



Fréttabréf 07.01. 2022

VATNSENDASKÓLI

Frá skólastjóra

Að þessu sinni er skólastarfið og covid ofarlega í huga okkar í Vatnsendaskóla. Við höfum náð að halda úti nokkuð venjulegu skólastarfi þessa fyrstu viku skólaársins á nýju ári. Við blöndum hópum lítið saman og höfum sömu hópa í stofunum eins og mögulegt er. Það hafa þó komið upp smit í hjá nemendum í 5 árgöngum og höfum við í samstarfi við almannavarnir sent nemendur í sóttkví og smitgát eftir rakningu. Við upplýsum alla foreldra í þeim árgöngum sem upp koma smit þannig að þeir geti verið á varðbergi gagnvart einkennum.

Það virðist ekkert lát vera á fjölda smita og munum við halda áfram með það fyrirkomulag sem við höfum fylgt í þessari viku. Við munum halda stundatöflu eins og kostur er en bregðast við eftir því sem þarf. Við getum ekki enn boðið nemendum okkar á elsta stigi að vera í mat en þeir sem ekki komast heim, hafa aðstöðu hér í skólanum til að borða nesti í hádeginu. Við breytum þessu um leið og fjöldatakmörkanir breytast varðandi matsalinn en reglugerðin sem við störfum eftir gildir til 12. janúar.

Framundan eru nemenda- og foreldraviðtöl en þau verða í lok janúar og byrjun febrúar. Vegna aðstæðna verða þau rafæn en kennarar munu senda ykkur nánari upplýsingar þegar nær dregur.

Að lokum vona ég að þið eigið ánægjulega helgi.

María Jónsdóttir

## Erasmus+ Ferð til Tyrklands 19.-26. febrúar 2022

Laugardaginn 19. febrúar heldur 6 manna hópur til Gaziantep í Tyrklandi. Ferðalagið byrjar með flugi til Vínar þaðan til Istanbul og að lokum til

Gaziantep. Þar tekur á móti okkur samstarfshópurinn okkar í verkefninu Eco Thinking for Eco Living.

Áhugaverð dagskrá hefur verið skipulögð af gestgjöfum

okkar í Tyrklandi þar sem við munum fræðast um

umhverfisvæna orkuframleiðslu og sólarorkubúskap ásamt því að kynnast menningu

og samfélagi gestgjafa okkar. Að lokinni 5 daga heimsókn höldum við heim þar sem

við fljúgum til Istanbul og þaðan til Osló og loks heim til Ísland. Mikil spennu og

eftirvænting er meðal nemenda, kennara og skólustjónenda.




## Góðgerðasöfnun framlengd

Við minnum á að margt smátt gerir eitt stórt. Vegna lítilla þátttöku í góðgerðasöfnun í desember höfum við ákveðið að framlengja hana út janúarmánuð. Við vonum að sem flestir sjái sér fært um að leggja henni lið. Baukurinn er staðsettur á skrifstofu skólans en einnig er hægt að leggja inn á reikning skólans, reikningsnúmer: 537-14-620889

kt: 580805-1080 og muna að skrifa í skýringu: Góðgerðasöfnun.

*Góðgerðarsöfnun* hefur verið eitt af okkar leiðarljósi í desember. Það að gefa af sér og að læra að margt smátt gerir eitt stórt hefur verið okkur mikilvægt. Í ár höfum við ákveðið að styrkja minningar og styrktarsjóðinn Örninn ([www.arnarvaengir.is](http://www.arnarvaengir.is)) Minningar- og styrktarsjóðurinn Örninn býður upp á helgardvöl og samverur fyrir börn og unglinga sem hafa misst náinn ástvin. Samverurnar eru þátttakendum að kostnaðarlausu en verkefnið reiðir sig á styrki auk þess sem allir starfsmenn eru sjálfboðaliðar.

### Bók mánaðarins



Hrafnhildur neyðist til að flytja til Þýskalands með fjöl-skyldu sinni þegar stjúpaðir hennar fær þar vinnu.

Vissulega er erfitt að vera nýja stelpa í bekknum, mál-laus og vinalaus, en það virðist vera til verra hlutskipti. Hrafnhildur þarf á öllu sínu hugrekki að halda þegar hún tekst á við áskoranir sem hana hefði ekki einu sinni grunað að væru til.

Akam, ég og Annika er tilnefnd til Íslensku bókmennta-verðlaunanna.

Skólinn festi kaup á þessari áhugaverðu bók fyrir 9. árg. í vor og hafa nemendur verið að lesa hana. Við mælum heilshugar með Akam, ég og Annika.



VATNSENDASKÓLI

### Námsvefurinn okkar

**Nú þegar margir eru heima annað hvort í einangrun, sóttkví eða sjálf-skipaðri sóttkví þá er gott að geta grípið í námsvefinn okkar.**

Inn á námsvef Vatnsendaskóla er að finna allar kennsluáætlanir ásamt áhugverðu efni sem nemendur og foreldrar geta nýtt sér. Smelltu [hér](#) til að skoða námsvefinn okkar.